

Ciet Byaekgep Gauhyouj Yienh Sanhgyangh:

Baijyienj Fungsug Minzczuz Lwenqda Yinx Vunz

上演最炫民族风的高友韭菜节

□ Gungh Bujganh ingj Sinhyungz hoiz



▲ Ndangdaenj byaekgep lengj, vunz hemq haenh gyaunde.



▲ Caz byaekgep feihhom, comz guh daih hekviz.



▲ Baij gaem byaekgep hawj bingz ciengj, lauxhangz baez yiengh niemh gvaq gvan.



▲ Daiq byaekgep haeuj ciengz, lienghsiengq caen mizyinx.



▲ Gvej byaekgep ma gai, vunzlai doxcanj cawx.

Moix bi cietheiq goekhawx gvaq le, Sanhgyangh Dungcu Swciyen Linzhih Yangh Gauhyouj Cunh cungj senj ngoenz ngoenzndei gitleih ndeu hoengh banh ciet byaekgep, caeqcuengq cojcoeng, guh gak cungj gak yiengh vwnz dij hozdung, doigawj siugai nungz-canjbij daegsaek dangdieg, hoenghhdw nauhyied, bibi cungj miz baenz fanh hekyouz ndaw guek rog guek comz bae gvaq ciet.

Ciuq vunz dangdieg gangj, raeblaeng gij byaekgep singjsien homftw neix lij yo miz aen gojriuz gyaunde ndeu. Riuz naeuz, Gauhyouj nyuenz dwg dieg fwzfwfwd ndeu, ndaw lueg faex mwn laepcup, aenmboq deihdaenx, duznyaen baenz bang. Ciuhmingz cogeiz, miz doiq beixnuengx heuhguh Siengginh, Siengyinz ndeu aenvih hoenxcienq deuznanh daeuj daengz gizdieg heuhguh "dajbya" (seizneix rog doumbanj Gauhyouj) ndeu, raen gizneix ndit raeuj raemx cuk, va hom roeg gvaengx, baenzneix couh dap ranz youq roengzdaej, haifwz dajndaem, seng lwg sanj lan. Ngoenz ndeu, beixnuengx de hwnj ndoi guhhong, raen ndaw ndoengfaex miz geij go byaekgep maj dwk bizbwd oiup, cimz gwn gaemz ndeu, byoiqbet habbak, baegnaiq siu bae seuqsat. Beixnuengx de couh vat ma ndaem youq reihbyaek laeng ranz, mbouj geij nanz couh maj ndaej heuswd mwncup, feih haek diemzvan, vunzmbanj raen le nyinhnaeuz gij byaekgep neix gwn le ndaej cangq ndang bouj yiengz, lij ndaej ywbingh dem, cungj daeuj cam beixnuengx de auu dinbyaek baema ndaem, yied ndaem yied lai. Vih geiqniemh cojcoeng, mbaenj-gouz saedcej gyaunde, moix bi cietheiq goekhawx baez daengz,

byaekgep cix maj dwk noengq-nwtnt, gyoengqvunz couh hainduj nyaengq dwk gvej byaekgep, caeq byaekgep, guhcaz hwnjdaej. Doengxngoenz, gyoengq dahsau youq henz naz henz rij lauz gungqnyauh; banfuemx, gyoengqde caegcaeg haeuj ndaw suen byaekgep daegmbauq (bouxhabsim) bae gvej byaekgep, ngoenz neix, gij byaekgep ranz lawz deng gvej bae cei lai, gangjmingz ranz de yied gitleih yied miznaj; doengxhaemh, gyoengq dahsau geij boux guhdoi roxnaeuz baenz bang dwk comz youq ranz ndeu guhcaz, caj daegmbauq bouxhabsim daeuj doiq fwen naenghwnz... Gij fungsug gyaunde neix gaenq daihdaih swnjcienz lienndaemh guh le 500 lai bi, ciemhciemh gyoebbaenz le vwnzva byaekgep Gauhyouj.

Ciet vwnzva byaekgep Gauhyouj daj bi 2007 hainduj banh, itbuen moix bi cietheiq goekhawx gvaq le senj ngoenz ngoenzndei ndeu youq ndaw mbanj hoengh banh. Banh daengz seizneix, gingniemh banh ciet gaenq comz ndaej lailai, ciet vwnzva byaekgep caemh banh baenz le daiz heiq hung comz miz byaekgep dwkcuengq, gvej byaekgep mbaet mbawcaz, gaeb bya, ring-iengj gijgwn dangdieg doenghij vwnzva dajraeq lajmbanj neix; baijyienj boq venz, danz bizbaz, dozmae, "yezye" (daengx mbanj vunz bae mbanj wng guhhek), ngaizbakranz, doiq fwen naengh-hwnz doenghij fungcingz Dungcu neix; baijgai byaekgep, maenz doenghij huqdoj dangdieg daengj gak cungj gak yiengh vwnzva fungsug minzczuz hozdung, hawj gyoengq hekyouz ndaw guek rog guek bae gvaq ciet haenx angq mbat gaeuq ndeu.



▲ Beixnuengx angq doxcomz, doxdongx gingq vanj laeuj.



▲ Mehmbwk angq boq venz, sing hanrwenz dok mbani.



▲ Caeq byaekgep yizsi, caenh nyi goenglaux ciengq.



▲ Ndaem byaekgep ndaej ndei, gwnz daizheiq lingx ciengi.